



**SAMOSTALNI SINDIKAT DRŽAVNIH SLUŽBENIKA
I NAMJEŠTENIKA U ORGANIMA DRŽAVNE SLUŽBE,
SUDSKOJ VLASTI I JAVNIM USTANOVAMA**

**Obala Kulina bana 1,
SARAJEVO**

Sarajevo, 31.07.2012.godine

ZAPISNIK

Sa plenarne sjednice Prve izborne skupštine – Petog kongresa Samostalnog sindikata državnih službenika i namještenika u organima državne službe, sudskoj vlasti i javnim ustanovama u F BiH održane 29.06.2012. godine sa početkom u 11,00 sati u sali hotela “Saraj” u Sarajevu.

Izornoj skupštini je prema Odluci Upravnog odbora trebalo prisustvovati 119 delegata, Sindikalne organizacije su dostavile imena 118 delegata, a prema usvojenom izvještaju Verifikacione komisije plenarnoj sjednici je prisustvovalo 117 delegata.

Pored pozvanih delegata, Skupštini su prisustvovali i Nermin Nikšić Premijer F BiH, Ismet Bajramović, predsjednik Saveza samostalnih Sindikata BiH, delegacija Sindikata državnih službenika i namještenika u organima Bosne i Hercegovine na čelu sa predsjednikom i dopredsjednikom sindikatqa gosp. Fehmijom Sadikovićem, kao i kolege Predsjednici granskih sindikata osnovnog i srednjeg obrazovanja Selvedin Šatorović i Đevad Hadžić i drugi.

Nakon intoniranja državne himne delegatima i gostima se obratio predsjednik Samostalnog sindikata gospodin Salih Kruščica, pozdravio sve prisutne i zahvalio se na njihovom prisustvu Izornoj skupštini. Da bi Skupština mogla raditi i donositi punovažne odluke delegatima je iznio prijedlog da se izabere Verifikaciona komisija sa zadatkom da izvrši uvid u prisustvo delegate i o tome izvijesti prisutne. Iznio je prijedlog Upravnog odbora da se u Verifikacionu komisiju izaberu: Bekrija Lejla (ZDK), Kuršumlić Hajrija (Vogošća) i Hadžalić Hasan (Cazin). Kako nije bilo drugih prijedloga prešlo se na glasanje. Aklamacijom (javnim izjašnjanjem) je jednoglasno prihvaćen prijedlog Upravnog odbora i u Verifikacionu komisiju su izabrani: Bekrija Lejla, Kuršumlić Hajrija i Hadžalić Hasan.

Predsjednik Kruščica je nakon toga predložio da Skupština izabere Radno predsjedništvo i iznio prijedlog Upravnog odbora da Predsjedništvo sačinjava 5 (pet) članova i to: Medina Omeragić, Vjekoslav Tomas, Sulejman Ćurić, Semin Konjalić i Esad Grahić. Iznio je i prijedlog da se za predsjednika Radnog predsjedništva izabere Esad Grahić, član Upravnog odbora. Obzirom da po navedenim prijedlozima nije bilo diskusija, prišlo se izjašnjanju delegate. Jednoglasno je prihvaćen prijedlog Upravnog odbora i izabrano Radno predsjedništvo u sastavu: Esad Grahić - predsjednik, Medina Omeragić - član, Vjekoslav Tomas - član, Sulejman Ćurić – član i Semin Konjalić – član. Nakon izjašnjanja članovi Radnog predsjedništva su zauzeli svoja mjesta i preuzeli dalje vođenje Izborne skupštine. Predsjedavajući je zahvalio delegatima na ukazanom povjerenju i zaželio uspješan rad Skupštine. Potom je prenio pozdrave predsjednika istoimenog Sindikata Republike Hrvatske gosp. Borisa Pleše i prenio njegovo žaljenje što nije bio u mogućnosti prisustvovati današnjoj Skupštini. Potom je pozvao i ostale goste da se, ukoliko to žele, obrate delegatima Skupštine.

Prvi se za riječ javio i delegatima i gostima obratio gospodin Ismet Bajramović, predsjednik Saveza samostalnih sindikata BiH. U svom obraćanju delegatima i gostima Izborne skupštine on je istakao značaj Sindikata državnih službenika i namještenika u ukupnim aktivnostima saveza i taksativno nabrojao neke od najznačajnijih akcija Saveza gdje je doprinos ovog Sindikata bio vrlo bitan. Naročito je zahvalio na iskrenoj želji da se kao važan faktor sindikalnog rada u BiH posebno istakne građenje jedinstva Sindikalnog pokreta i zahvalio organima ovog Sindikata i predsjedniku Kruščici na ogromnom doprinosu u radu organizacija i organa Saveza sindikata BiH.

Potom se za riječ javio počasni Predsjednik i jedan od osnivača ovog Sindikata gospodin Hakija Kurtović. U svom obraćanju delegatima i gostima gospodin Kurtović je zahvalio na iskrenim riječima podrške izražene u obraćanju gospodina Bajramovića i naročito pohvalio prisustvo Premijera Nikšića kao znak međusobnog uvažavanja Vlade F BiH ovog Sindikata.

Fehmija Sadiković dopredsjednik Sindikata službenika i namještenika zaposlenih u institucijama BiH pozdravio je sve prisutne i naročito napomenuo činjenicu da je svoje prve Sindikalne korake učinio u ovom Sindikatu i da to sa ponosom ističe, a da pozitivna iskustva sada prenosi u Sindikat na državnom nivou. Delegatima je zaželio uspješan rad.

Premijer Nikšić se zahvalio na pozivu da prisustvuje ovom Kongresu i zamolio da se njegovo prisustvo shvati kao iskrena želja za jačanje socijalnog dijaloga između Vlade F BiH i ovog Sindikata. Naveo je i napade koje trpi i Vlada i Sindikat zbog činjenice da žele uspostaviti iskren dijalog. Posebno je zahvalio predsjedniku Kruščici na snazi kojom je bio u stanju donositi i teške odluke koje nisu uvijek i svugdje dočekane sa odobravanjem, ali su omogućile i Vladi i Sindikatu da u narednom period mirnije dočekaju delegaciju MMF-a. Prema riječima Premijera za budući aranžman Vlade F BiH sa MMF-om više nisu sporna primanja državnih službenika i namještenika is a tog aspekta svi mogu biti mirni u narednom period. Na kraju obraćanja Premijer je još jednom zahvalio na mogućnosti koju je imao da prisustvuje i obrati se ovoj Skupštini i zaželio joj sretan i uspješan rad.

Obzorom da nije bilo prijavljenih obraćanja prisutnih gostiju predsjedavajući je pozvao Hasana Hadžalića, predstavnika Verifikacione komisije da podnese izvještaj o broju delegate koji prisustvuju Izornoj skupštini.

Podnoseći izvještaj Verifikacione komisije gospodin Hadžalić je istakao da je uvidom u spiskove delegate komisija konstatovala da je od pozvanih 118 (stotinuosamnaest) delegate, sjednici Skupštine prisutno 117 (stotinusedamnaest) delegate i da Skupština može raditi i donositi punovažne odluke. Izvještaj Verifikacione komisije dat je na glasanje. Skupština je jednoglasno prihvatila izvještaj Verifikacione komisije.

Nakon usvajanja navedenog izvještaja prešlo se na utvrđivanje dnevnog reda Izvještajne skupštine. Predsjedavajući Grahić napomenuo je da su delegate uz materijale za Izbornu Skupštinu dobili i prijedlog dnevnog reda koji je utvrđen od strane Upravnog odbora i otvorio diskusiju o predloženom dnevnom redu. Kako nije bilo prijedloga za izmjene ili dopune dnevnog rada isti je stavljen na glasanje i jednoglasno usvojen kao u prijedlogu i to:

1. Usvajanje Prijedloga dnevnog reda Prve izborne skupštine – Petog kongresa,
2. Razmatranje i usvajanje Prijedloga Poslovnika o radu Prve izborne skupštine – Petog kongresa,
3. Izbor radnih tijela Prve izborne skupštine – Petog kongresa,
 - Kandidacione komisije,
 - Komisije za izbore,
 - Komisije za Strategiju i Programske ciljeve Sindikata državnih službenika i namještenika u F BiH za period 2012. – 2016. godina,

4. Razmatranje i usvajanje prijedloga dokumenata:
 - Izvještaj o radu organa Sindikata državnih službenika i namještenika u F BiH za period maj 2008.- maj 2012. godine,
 - Izvještaj o radu Nadzornog odbora Sindikata državnih službenika i namještenika u F BiH za period 2008.- 2012. godina,
 - Izvještaj o radu Statutarne komisije Sindikata državnih službenika i namještenika u F BiH za period 2008.- 2012. godina,
 - Programski ciljevi i Strategija djelovanja Sindikata državnih službenika i namještenika u F BiH za period 2012.- 2016. godina,
5. Izbori:
 - Izvještaj Kandidacione komisije o prijedlozima kandidata za:
 - nosioce funkcija u Samostalnom sindikatu,
 - članove organa Samostalnog sindikata,
 - radna tijela Samostalnog Sindikata
6. Predstavljanje kandidata za predsjednika Sindikata državnih službenika i namještenika u F BiH,
7. Glasanje,
8. Izvještaj komisije za izbore,
9. Verifikacija članova Upravnog odbora Sindikata državnih službenika i namještenika u F BiH za period 2012.- 2016. godina,
10. Obraćanje novoizabranog predsjednika Sindikata državnih službenika i namještenika u F BiH,
11. Završetak Prve izborne skupštine – Petog kongresa.

Po usvajanju dnevnog reda prešlo se na rad po drugoj tački dnevnog reda a to je razmatranje i usvajanje Poslovnika o radu Prve izborne skupštine – Petog kongresa. Predsjedavajući je zamolio prisutne da obrate pažnju na član 23. predloženog Poslovnika i predložio njegovu izmjenu. Obzirom da je u utrci za funkciju predsjednika Samostalnog Sindikata samo dva kandidata predložio je da se prvi stav navedenog člana u potpunosti izbriše, a da se drugim stavom reguliše da se za funkciju predsjednika smatra izabran onaj kandidat koji dobije natpolovičnu većinu delegate koji pristupe glasanju. Ovaj prijedlog dat je na izjašnjavanje. Delegati su prijedlog prihvatili bez suzdržanih glasova i uz jedan glas protiv.

Treća tačka dnevnog reda je izbor radnih tijela Prve izborne skupštine-Petog kongresa. **Predsjedavajući je iznio prijedlog Upravnog odbora da se u Kandidacionu komisiju izaberu:**

1. Vahid Ahmespahić – Sarajevo,
2. Nermin Ljubović – Zenica,
3. Senad Šehić – FKO,
4. Vesna Mustapić – FKO i
5. Jasminka Damjanović – Zenica

Prijedlog sastava Kandidacione komisije je jednoglasno prihvaćen.

Delegatima je pročitao prijedlog za sastav Komisije za izbore u slijedećem sastavu:

1. Esma Kukuruzović – KS,
2. Hajda Hajdarević - TK,
3. Mujo Čamdžić - BPK,
4. Robert Bogdan – Posavski kanton i
5. Amra Krehić – Sarajevo.

Prijedlog sastava Komisije za izbore je jednoglasno usvojen.

U Komisiju za Strategiju i programske ciljeve Sindikata predsjedavajući je predložio:

1. Muris Dobrić – KO Federalnih zavoda i javnih ustanova,
2. Miralem Dučić – FKO,
3. Suvada Đuzdanović – TK,
4. Nijaz Delić – TK i
5. Bernardin Bakula – Posušje.

Prijedlog Komisije za Strategiju i programske ciljeve Sindikata je jednoglasno usvojen.

Radno predsjedništvo je predložilo da se izaberu i ovjerivači zapisnika sa Prve izborne skupštine – Petog kongresa i to

1. Asaf Kasum – Travnik i
2. Enisa Hadžifejzagić – Bosanska Krupa

Prijedlog Komisije za ovjeru zapisnika sa Prve izborne skupštine – Petog kongresa je jednoglasno prihvaćen.

Nakon završenog posla vezanog za izbor Radnih tijela Skupštine, prešlo se na rad po četvrtoj tački dnevnog reda. Predsjedavajući je napomenuo da su delegati u pripremi sjednice dobili tekstualnu podlogu za rad i odlučivanje a to su:

- Izvještaj o radu organa Sindikata državnih službenika i namještenika u F BiH za period maj 2008.- maj 2012. godine,
- Izvještaj o radu Nadzornog odbora Sindikata državnih službenika i namještenika u F BiH za period 2008.- 2012. godina,
- Izvještaj o radu Statutarne komisije Sindikata državnih službenika i namještenika u F BiH za period 2008.- 2012. godina,
- Programski ciljevi i Strategija djelovanja Sindikata državnih službenika i namještenika u F BiH za period 2012.- 2016. godina,

Uvodno izlaganje povodom ove tačke dnevnog reda dao je predsjednik Samostalnog sindikata državnih službenika i namještenika u F BiH gospodin Salih Kruščica. U svom izlaganju predsjednik Kruščica je naročito apostrofirao izuzetno težak ambijent u kome su djelovali svi, pa i ovaj Sindikat. Posebno je istakao odličan finansijski rezultat postignut u prethodnom period, kao i usklađenost djelovanja Sindikalnih organizacija sa Statutom i poštovanje finansijske discipline. Zasluge za rezultate prenio je na sve Sindikalne organizacije kao i sve organe i tijela samostalnog Sindikata. Izrazio je nadu da će rezultati u narednom period biti još bolji i izrazio spremnost da na ovoj Skupštini odgovori na svako eventualno pitanje koje se odnosi na pomenute Izvještaje.

Poslije uvodnih napomena gospodina Kruščice, predsjednika Sindikata državnih službenika i namještenika u F BiH predsjedavajući Grahić otvorio je raspravu predloženim dokumentima.

Za riječ se javio gospodin Hakija Kurtović, počasni predsjednik Sindikata u svojstvu delegate Izvještajne skupštine. Sa zadovoljstvom je istakao da izvještaj o radu organa i tijela vrlo vjerno pokazuje da su izabrani članovi organa i tijela Sindikata na najbolji način realizovali programske ciljeve, kao i ciljeve utvrđene u Strategiji usvojenoj na prethodnom Kongresu. Hronološki i vrlo koncizno je nabrajao pojedinačne aktivnosti ovog Sindikata, kao i samog Saveza samostalnih sindikata BiH na realizaciji programskih ciljeva. Naročito je istakao aktivnost Upravnog odbora i predsjednika Kruščice na normativnom uređivanju položaja i pozicije službenika i namještenika kroz zakonodavnu inicijativu prema našim poslodavcima (Vlada F BiH, Vlade Kantona i Općinski načelnici). Na kraju obraćanja gospodin Hakija Kurtović je još jednom zahvalio na postignutim rezultatima i predložio

delegatima Izborne skupštine da se dosadašnjem predsjedniku gospodinu Salihu Kruščici ukaže povjerenje za još jedan mandatni period.

Obzirom da po Izvještaju o radu organa Sindikata državnih službenika i namještenika u F BiH za period maj 2008.- maj 2012. godine nije bilo prijavljenih diskutanata predsjedavajući je zaključio raspravu i isti dao na glasanje. Izvještaj o radu organa Sindikata državnih službenika i namještenika u F BiH za period maj 2008.- maj 2012. godine je jednoglasno usvojen.

Nakon usvajanja Izvještaja Radno predsjedništvo je dalo pauzu od 10 (deset) minuta.

Poslije pause nastavljen je rad.

Predsjedavajući je otvorio diskusiju po Izvještaju o radu Nadzornog odbora Sindikata državnih službenika i namještenika u F BiH za period 2008.- 2012. godina. Po izvještaju nije bilo diskusija pa je isti stavljen na glasanje. Izvještaj o radu Nadzornog odbora Sindikata državnih službenika i namještenika u F BiH za period 2008.- 2012. Godina je jednoglasno usvojen.

Radno predsjedništvo je otvorilo raspravu o Izvještaju o radu Statutarne komisije Sindikata državnih službenika i namještenika u F BiH za period 2008.- 2012. godina. Obzirom da nije bilo prijavljenih diskutanata predloženo je da se glasanjem delegate izjasne o ponuđenom Izvještaju. Isti je jednoglasno usvojen.

Raspravu o Programskim ciljevima i Strategiji djelovanja Sindikata državnih službenika i namještenika u F BiH za period 2012.- 2016. Godina započeo je delegate Hodžić Meho (Općina Doboj Jug), naglasivši da na ovoj Skupštini predstavlja državne službenike i namještenike iz 4 (četiri) općine iz Zeničko-dobojskog kantona posebno je zamolio za veći angažman Sindikata u izmjenama i dopunama propisa koji regulišu rad lokalne samouprave, naročito sa pozicije položaja državnih službenika i namještenika. Poslije ove diskusije rasprava je zaključena i pristupilo se izjašnjavanju o predloženim Programskim ciljevima i Strategiji. Predloženi dokument je jednoglasno prihvaćen čime je zaključena četvrta tačka dnevnog reda.

Predsjedavajući Grahić je prešao na petu tačku dnevnog reda, a to su izbori i to za:

- nosioce funkcija u Samostalnom sindikatu,
- članove organa Samostalnog sindikata,
- radna tijela Samostalnog Sindikata,

Prije početka izbornog procesa predsjedavajući Izborne skupštine predložio je da se prethodno razriješe članovi organa i tijela Sindikata, kao i izabrani nosioci individualnih funkcija, koji su svoje dužnosti obavljali u mandatnom period 2008-2012. godina. Prijedlog je jednoglasno prihvaćen.

Obzirom da Kandidaciona komisija nije smatrala za potrebno dopunjavati predložene liste kandidata, Radno predsjedništvo je otvorilo raspravu o svim predloženim listama. Prvi diskutant u raspravi o kandidatskim listama bio je gospodin Zlatko Bartulović, dosadašnji član Upravnog odbora. On je istakao nekoliko problema u radu i funkcionisanju Koordinacionog odbora Tuzlanskog kantona i njegovog predsjednika kako po pitanju utroška finansijskih sredstava, tako i po pitanju ponuđenih kadrovskih rješenja. Istakao je dvojbu u pogledu mogućnosti izabranih dužnosnika da budu birani u organe i tijela Sindikata, pri tome misleći na kandidaturu Zorana Jovanovića delegata u Domu naroda Federalnog parlamenta koji je predložen za zamjenika Predsjednika Sindikata i Amira Sejdinovića, pomoćnika Načelnika općine Lukavac, kao predsjednika Koordinacionog odbora Tuzlanskog kantona i člana Upravnog odbora Sindikata. U daljoj diskusiji po kandidatskim listama učestvovali su Snežana Katkić, Ivo Filipović i Murat Šećeragić, a suština diskusija bila je njihovo nezadovoljstvo predloženim listama i želja da se iste dopune.

Predsjedavajući Izborne skupštine je pojasnio delegatima sve poduzete aktivnosti u izbornom procesu koji je trajao preko šest mjeseci i ukazao na činjenicu da je ovo finalni dio, a da je najveći dio posla urađen kroz izborni proces u Sindikalnim organizacijama i Koordinacionim odborima. Posebno je apostrofirao činjenicu da u kandidature, prema usvojenim Kriterijima za izbore, morale biti verifikovane kroz Koordinacione odbore i da nije u redu koristiti Izbornu skupštinu za lična prepucavanja.

Kako je Upravni odbor u cjelosti poštovao zadate rokove i kriterije naglasio je da će na izjašnjavanje prvo dati Prijedloge Upravnog odbora, a zatim Prijedloge delegate pojedinačno ukoliko za to bude potrebe.

Izborna skupština je uz 4 (četiti) glasa protiv i jednim uzdržanim prihvatila da glasa o listama kandidata predloženim od strane Upravnog odbora i to:

Kandidati za Predsjednika Samostalnog sindikata

1. Kašić Nazif
2. Kruščica Salih

Kandidati za zamjenika Predsjednika

1. Bijelić Muhamed-TK
2. Jovanović Zoran-TK

Dopredsjednici Samostalnog Sindikata

1. Arnaut Kemal
2. Kulašin Refija
3. Kurtović Samir
4. Ljubović Nermin i
5. Memić Senad

Članovi Upravnog odbora

1. Hajrić Šemsa
2. Ljubijankić Višnja
3. Prešljić Zlatan
4. Mašić Edin-USK
5. Rekić Zuhra-USK

Statutarna komisija

1. Omeragić Medina
2. Eljazović Nisvet
3. Beganović Nasir
4. Mašić Ismail-TK
5. Hujdurović Emir-TK
6. Imamović Ernis-FKO
7. Strinić Aldijana-FKO

Nadzorni odbor

1. Pondro Azra
2. Nuhagić Jasmin
3. Petrić Marinko
4. Gurbeta Nermin-SBK
5. Škulj Dragan-SBK
6. Livadić Nihad-TK
7. Trebinjac Hilmo-TK

Kandidati za radna tijela Sindikata:

Komisija za dodjelu finansijske pomoći članovima Sindikata

1. Hurem Elvira
2. Musa Farida
3. Šolbić Islam
4. Đulović Safet-TK
5. Katkić Snežana-TK
6. Jakić Krešo-SBK
7. Jašarević Rešad-SBK

Komisija za pravnu zaštitu

1. Ćosović Mirsada
2. Haračić Nedžad
3. Rimac Goran
4. Valjevac Edina
5. Mujčinović Midhat-TK
6. Tokić Hasan-TK

Komisija za ekonomsko-planske poslove

1. Jukić Fatima
2. Karabegović Medina
3. Memić Dženena
4. Parlain Kristina
5. Torlo Miron

Komisija za sport, odmor i rekreaciju članova

1. Bajraktarević Benjamin
2. Osmić Fuhad
3. Pirkić Hasan
4. Zeherović Tanja
5. Rahmani Šefika

Komisija za praćenje primjene propisa i zakonodavnu inicijativu

1. Ćelosmanović Amir
2. Ćeho Nafiz
3. Ćopelj Naser
4. Simeunović Milada
5. Zulić Ermin

Komisija za organizaciono jačanje i razvoj strategije

1. Ćatić Senad
2. Hamidović Nijaz
3. Hrelja Armin
4. Muhić Fetah
5. Redžić Miralem

Komisija za edukaciju, informisanje i međunarodnu saradnju

1. Aganović Adnan
2. Gušić Fatima
3. Mraković Alija
4. Ramljak Viktor
5. Šunjić Borka.

Nakon preciznog utvrđivanja lista kandidata, predsjednik Radnog predsjedništva je predložio, a delegate Izborne skupštine prihvatili (jedan glas suzdržan), da se tajno glasanje obavi za liste na kojima je više kandidata nego što se bira, a ostale liste gdje je broj kandidata identičan sa brojem koji se bira da se glasanje obavi javno tj. aklamacijom. Potom se prišlo javnom glasanju za liste koje su usaglašene i gdje je broj kandidata identičan broju koji se bira a to su:

Komisija za ekonomsko-planske poslove

1. Jukić Fatima
2. Karabegović Medina
3. Memić Dženena
4. Parlain Kristina
5. Torlo Miron

Prijedlog prihvaćen uz jedan suzdržan glas.

Komisija za sport, odmor i rekreaciju članova

1. Bajraktarević Benjamin
2. Osmić Fuhad
3. Pirkić Hasan
4. Zeherović Tanja
5. Rahmani Šefika

Prijedlog prihvaćen uz jedan suzdržan glas.

Komisija za praćenje primjene propisa i zakonodavnu inicijativu

1. Čelosmanović Amir
2. Čeho Nafiz
3. Čopelj Naser
4. Simeunović Milada
5. Zulić Ermin

Prijedlog prihvaćen uz jedan suzdržan glas.

Komisija za organizaciono jačanje i razvoj strategije

1. Ćatić Senad
2. Hamidović Nijaz
3. Hrelja Armin
4. Muhić Fetah
5. Redžić Miralem

Prijedlog prihvaćen uz jedan suzdržan glas

Komisija za edukaciju, informisanje i međunarodnu saradnju

1. Aganović Adnan
2. Gušić Fatima
3. Mraković Alija
4. Ramljak Viktor
5. Šunjić Borka

Prijedlog prihvaćen uz jedan suzdržan glas.

Poslije aklamativnog izjašnjavanja o listama kandidata u prethodnim Komisijama, Radno predsjedništvo je konstatovalo da je potrebno omogućiti kandidatima za nosioce individualnih funkcija, prije svega za funkciju predsjednika, da se obrate delegatima Izborne skupštine. Poštujući utvrđeni redosljed na listama, prvo obraćanje delegatima imao je kandidat za predsjednika gospodin Kašić Nazif, koji je izložio svoje viđenje budućeg rada ovog Sindikata.

Nakon kandidata Kašića delegatima se obratio i gospodin Salih Kruščica i ukratko obrazložio razloge svoje candidature. Kandidati za ostale funkcije nisu koristili priliku obraćanje delegatima Izborne skupštine.

Pošto u ostalim listama za izbor nosilaca funkcija, organa i tijela Samostalnog sindikata ima više kandidata, prišlo se formiranju izbornih lista za one kandidate koji su na listama imali protivkandidata iz vlastite Koordinacije. Izborna komisija zadužila je glasački material, isti prebrojala, opečatila i prišla izborima.

Nakon obavljenog glasanja, Radno predsjedništvo je dalo pauzu za ručak da bi izborna komisija mogla prebrojati glasove i podnijeti izvještaj Izornoj skupštini.

Pošto je radon predsjedništvo konstatovalo da je izborna komisija završila rad, pozvalo je delegate na nastavak sjednice i prešlo na osmu tačku dnevnog reda tj. Izvještaj Izborne komisije. Izvještaj je u ime komisije podnijela Esmā Kukuruzović, predsjednica komisije sa sljedećim rezultatima:

I Komisija za pravnu zaštitu

1. Mujčinović Midhat -59 glasova
2. Tokić Hasan – 55 glasova

Jedan nevažeći glas. Izvještaj usvojen uz jedan uzdržan glas.

OSTALI KANDIDATI IZABRANI SU AKLAMACIJOM.

Kompletan sastav izabrane komisije:

1. Ćosović Mirsada
2. Haračić Nedžad
3. Rimac Goran
4. Valjevac Edina
5. Mujčinović Midhat

II Komisija za dodjelu finansijske pomoći

1. Đulović Safet -55 glasova
2. Katkić Snežana – 56 glasova

Četiri nevažeća glasa. Izvještaj uz jedan glas suzdržan, usvojen.

1. Jakić Krešo – 58 glasova
2. Jašarević Rešad -55 glasova

Dva nevažeća glasa. Izvještaj uz jedan suzdržan glas je usvojen.

OSTALI KANDIDATI SU IZABRANI AKLAMACIJOM.

Kompletan sastav Komisije za dodjelu finansijske pomoći:

1. Hurem Elvira
2. Musa Farida
3. Šolbić Islam
4. Katkić Snežana
5. Jakić Krešo

III Lista kandidata za Nadzorni odbor:

1. Gurbeta Nermin – 77 glasova
2. Škulj Dragan – 37 glasova

Pet nevažećih glasova. Izvještaj komisije usvojen uz jedan glas suzdržan

1. Livadić Nihad – 57 glasova
2. Trebinjac Hilmo -56 glasa

Pet nevažećih glasova. Izvještaj Komisije usvojen uz jedan glas suzdržan.

OSTALI KANDIDATI SU IZABRANI AKLAMACIJOM

Kompletan sastav Nadzornog odbora:

1. Pondro Azra
2. Nuhagić Jasmin
3. Petrić Marinko
4. Gurbeta Nermin
5. Livadić Nihad

IV Lista kandidata za za Statutarnu komisiju:

1. Mašić Ismail – 65 glasova
2. Hujdurović Emir – 48 glasova

Dva nevažeća glasa Izvještaj Komisije usvojen uz jedan glas suzdržan.

1. Imamović Ernis – 63 glasa
2. Strinić Arijana – 51 glas

Jedan nevažeći glas. Izvještaj Komisije usvojen uz jedan glas suzdržan.

OSTALI KANDIDATI SU IZABRANI AKLAMACIJOM.

Kompletan sastav Statutarne komisije:

1. Omeragić Medina
2. Eljazović Nisvet
3. Beganović Nasir
4. Mašić Ismail-TK
5. Imamović Ernis

V Lista kandidata za člana Upravnog odbora:

1. Mašić Edin – 44 glasa
2. Rekić Zuhra 77 glasova

Nevažećih glasova nije bilo. Izvještaj Komisije usvojen uz jedan glas suzdržan.

OSTALI KANDIDATI SU IZABRANI AKLAMACIJOM.

Kompletna lista izabranih članova Upravnog odbora:

1. Hajrić Šemsa
2. Ljubijankić Višnja
3. Prešljic Zlatan
4. Rekić Zuhra

VI Izabrani dopredsjednici Samostalnog Sindikata:

1. Arnaut Kemal
2. Kulašin Refija
3. Kurtović Samir
4. Ljubović Nermin i
5. Memić Senad

VII Lista kandidata za zamjenika Predsjednika Samostalnog sindikata:

1. Bijelić Muhamed – 39 glasova
2. Jovanović Zoran – 74 glasa

Dva glasa nevažeća. Izvještaj Komisije usvojen uz jedan suzdržani glas.

Gosp. Jovanović Zoran izabran je za zamjenika Predsjednika Samostalnog sindikata.

VIII Lista kandidata za Predsjednika Samostalnog Sindikata:

1. Kašić Nazif – 46 glasova
2. Kruščica Salih – 69 glasova

Nevažećih listića nije bilo. Izvještaj Komisije prihvaćen je aklamacijom i podržan aplauzom, uz konstataciju da je za predsjednika Samostalnog Sindikata izabran gospodin Salih Kruščica.

Predsjedavajući Radnog predsjedništva naglasio je da je prihvatanjem izvještaja Komisije za izbore izvršena faktički i verifikacija ostalih članova Upravnog odbora (izuzev predsjednika Koordinacionih odbora, koji će biti verifikovani na prvoj narednoj - konstitutivnoj sjednici). Predsjedavajući je, u ime radnog predsjedništva, čestitao izabranim nosiocima individualnih funkcija u Sindikatu, kao i članovima organa i tijela Samostalnog sindikata i zaželio im sretan rad. Izrazio je zadovoljstvo i zahvalio Stručnoj službi Sindikata na uloženom trudu i sveukupnom angažmanu u pripremi i realizaciji Prve izborne skupštine - Petog kongresa.

Potom je gospodin Grahić dao riječ ponovo izabranom predsjedniku Salihu Kruščici. Predsjednik je zahvalio na ukazanom povjerenju i naglasio potrebu očuvanja jedinstva organizacija i organa Samostalnog sindikata u narednom period. Čestitao je izabranim članovima organa i tijela Sindikata i svim delegatima Skupštine zaželio sretan put do kuće.

Predsjedavajući Radnog Predsjedništva konstatovao je da je rad Prve izborne skupštine - Petog kongresa završen u 18,45 sati.

**KOMISIJA ZA OVJERU ZAPISNIKA
SA PRVE IZBORNE SKUPŠTINE:**

1. Asaf Kasum

2. Enisa Hadžifejzagić

**PREDSJEDNIK
RADNOG PREDSJEDNIŠTVA**

Esad Grahić
